

2 Son

Pas yimbu Son ai sürü papimarandi

¹ Meao, sihambo God ai ahandihoari kamafoareanini ranimbo anihandi ro aborüdi siheimbo kameihi hifandi-rihandeimbi nindou-anahi pas nda sürü paparihandi. Siheimbo anihondumbo ngusüfo parariheandüri ra ro yangiri-yahipoani, nga mungu anihondü hoafi fifirihindeimbi ranai amboa siheimbo ngusüfo pararihindüri. ² Sihiri anihondü hoafi ra anihondumbo-arihundi, nga koadürumbo-koadürumbo anihondumbo-ndihumboyefi ranimboanahi siheimbo ngusüfo parariheandüri. ³ God arimbini Sisas Kraiss sihefimbo ngusüfo parineamunühi, rananimbo sihiri ngusüfoambe afundihu kündihu hoahu nimandefühi anihondü hoafi anihondümbondihu asu ngorumbo ngusüfo pandihundürimboyefi. ⁴ Sihafi nimori bidifiri anihondü hohoanimo süngurihi arihündi sihefi Ape God sihefimbo hoafimayu nou, ranimbo himboriya heheamboanahi hihifi-hihifayahi. ⁵ O Meao, ro se nda randowandi saheheamboanahi hoafiyahühi, 'Sihefi-hoari simbori ngusüfo pefirindefimboane,' asahi. Hohoanimo ra sihambo sürü pararihandi nda simbori moatükuniyopoani, nga horombo hondü masahumindef-ane. ⁶ Sihiri yahurai wandafi mamimbo ngusüfo pandihu-ndürimboane ranane Godindi hoafi süngufeayo. Horombo hondü se Godindi hohoanimo ra masahümündi, 'Se ngorumbo ngusüfo pandihindüri.'

Sihiri Kraissindi hoafi ra ngiri hiningindihundi

⁷ Tikai hoafümbi afindi hifi ndanihü hahabodei wakarihindi. Nga ai ngiri weindahi hoafindeihi, 'Sisas Kraiss ai nindoumbo-mefiyu,' mbisei. Nindou ranai tikarihi hehimboanei, nga asu Kraissindi hürütümb-ane. ⁸ Se hibadihumbo. Rani-moatükuni se Godindi warambeahindi semindimbo sei hehimbo ranimbohünda ratüpurimaye ra se hibadihumbo, nga hiningi-ndihimboyei. Nga tinjirifondühi

Godindi-mayo takini aboedi ra yihoefi ratupuri-mbohünda ndahumi-ndefimboane. ⁹Ïga nindou mami ai Kraisindi hoafi ragu pire haya ñgorü hohoanimo süngure arandi ranai ana God ai ñgiri ai-dibo nimandu. Nindou ai Sisasindi hoafi süngure arand-animbo God arimbini Sisas-dibo nindou ranahambo sowahi nimboamboafani. ¹⁰Ïga nindou mami siheimbo sowahi tükündifihümbo yamundife hoafi ra hoafikoate-nduani ana, se nindou ranahambo ñgiri hihifindihorühi worinindihori, ñga wani. ¹¹Nindou ai ahambo hihifarüri ana, nindou ranai ahambo ahandi moaruwai hohoanimo ranahambo fariheirühani.

Bidifirana hoafi

¹²Ro siheimbo hoafi afindi hoafimbo saheeamboyahi, ñga pepafihü sürü pefembo moeisahi. Ïga ro siheimbo sowanambo sini wataporimbo saheeamboyahi sihiri hihifi-hihifimbohünda. ¹³Sihafi akidi God ai ahandihoari kamafoareandi ahandi nimori ai sihambo hihifarihünini. Karihasi.